



16 Novambra 2020 (Past Zaranaina ANDRIALAMPISON)

Mpitandrina: Amin'ny anaran'ny Ray sy ny Zanaka ary ny Fanahy Masina.
Amena.

Hira: 14 FFPM and 1 « O, ry tany rehetra, avia izao »

Vavaka (Mpitandrina)

Lohahevitra

Vakiteny 1: Jona 1, 1-3

"1 Ary tonga tamin' i Jona, zanak' i Amitahy, ny tenin' i Jehovah nanao hoe: 2 Mitsangàna, mankanesa any Ninive, ilay tanàna lehibe, ary miantsoa ny amin' ny hamelezana azy, fa tafakatra eto anatrehako ny faharatsiany. 3 Nefa Jona nitsangana handositra ho any Tarsisy mba hiala eo anatrehan' i Jehovah; ary nidina tany Jopa izy ka nahita sambo hankany Tarsisy, dia nandoa ny karamany ka niondrana taminy hiara-mandeha tamin' ny tao ho any Tarsisy hiala eo anatrehan' i Jehovah."

Hira : 415 FFPM and 1 « Mifona aminao izahay Andriamanitra ô! »

Vavaka :

→ Fifonana noho ny fandavantsika ny planin'Andriamanitra.

→ Fifonana noho ny fiheverantsika ho hendry mihoatra an'Andriamanitra (izany no hita amin'i Jona eto)

→ Fangatahana famelan-keloka noho ny fiheverantsika ny momba ny tenantsika mihoatra ny sitrapon'Andriamanitra.

→Fifonana noho ny tsy fahalalana ny halehiben'ny famindrapon'Andriamanitra.

Vavaka (Mpitandrina)

Vakiteny 2: Jona 1, 4-13

"4 Fa Jehovah nahatonga rivotra mahery teny ambonin' ny ranomasina, dia nanonja mafy ny ranomasina, ka dia efa nila ho vaky ny sambo.5 Dia raiki-tahotra ny matilo, ka samy nitaraina tamin' ny andriamaniny avy sady nariany tany anaty ranomasina ny zavatra tao an-tsambo mba hampahatony ny loza. Fa Jona kosa efa nidina nankao anaty sambo ka nandry renoky ny torimaso.6 Dia nankao aminy ny kapitenin-tsambo ka nanao taminy hoe: Endrey ity hianao renoky ny torimaso foana eto! Mitsangàna, ka antsoy ny Andriamanitrao, fa angamba hihevitra antsika Andriamanitra, ka dia tsy ho faty isika. 7 Ary dia samy nanao tamin' ny namany hoe izy: Avia isika hanao filokana mba hizahantsika izay mahatonga izao loza izao amintsika. Dia nanao filokana izy, ka Jona no azo.8 Dia hoy ireo taminy: Masina hianao, lazao aminay: Noho ny amin' iza moa no mahatonga izao loza izao amintsika? Inona no raharaha fanaonao? Ary avy taiza hianao? Aiza no taninao? Ary avy amin' ny firenen' iza hianao?9 Dia hoy izy tamin' ireo: Hebreo aho; ary Jehovah, Andriamanitry ny lanitra, no ivavahako, dia Izay nanao ny ranomasina sy ny tany maina.10 Dia raiki-tahotra indrindra ny olona ka nanao taminy hoe: Adray izato ataonao izato! Fa fantany fa nandositra hiala eo anatrehan' i Jehovah izy, satria efa nambarany taminy izany.11 Dia hoy ireo taminy: Hataonay ahoana ary hianao mba hahatony ny ranomasina aminay? Fa mbola nihananonja ihany ny ranomasina.12 Ary hoy izy tamin' ireo: Betao aho, ka atsipazo any anatin' ny ranomasina hahatony ny ranomasina aminareo; fa fantatro fa noho ny amiko no mahatonga izao onja mahery izao aminareo.13 Nefa namaky onja

fatratra ny olona mba hamerina ny sambo ho amin' ny tany maina, fa tsy zakany, satria ny ranomasina mbola nihananonja mafy taminy."

Hira: 34 FF and 1,2 "Tompo malala ô! Mpanjakako Ianao. Tamy aho fa resy lahatra..."

Vavaka :

→Vavaka fanoloran-tena ho an'ny Tompo

Vavaka (Mpitandrina)

Vakiteny 3: Jona 1, 14-16

"14 Dia nitaraina tamin' i Jehovah izy ka nanao hoe: Mifona aminao izahay, Jehovah ô, aoka tsy ho faty izahay noho ny amin' ny ain' ity lehilahy ity ary aza atao ho mpandatsaka rà marina izahay; fa Hianao, Jehovah ô, efa nanao izay sitraky ny fonao.15 Dia nobetain' izy ireo Jona ka natsipiny tany anatin' ny ranomasina; ary dia nitsahatra ny fisafoaky ny ranomasina.16 Dia natahotra an' i Jehovah indrindra ireo olona ireo ka namono zavatra hatao fanatitra ho an' i Jehovah sady nivoady."

Hira: 34 FF and 3 "Tompo malala ô! Tsy ho hadinoiko intsony ny fitiavanao..."

Vavaka :

→ Fametrahana ny ampitso sy ny mandrakizaintsika eo am-pelan-tanan'I Jesosy Kristy Mpamonjy.

→ Ho an'ny fiaraha-monina misy antsika, ho an'ny tsy salama sy ny azon'ny manjo sns.

→ Hetaheta manokana

Vavaka (Mpitandrina) + « *Rainay izay any an-danitra...* »

Hafatra :

"Mahereza sy matanjaha; aza matahotra na manahy azy; fa Jehovah Andriamanitrao no miara-mandeha aminao; tsy handao anao na hahafoy anao Izy." (Deot 31, 6)

Tsodrano :

« Ho an' izay rehetra, malalan' Andriamanitra sady voantso ho masina: ho aminareo anie ny fahasoavana sy ny fiadanana avy amin' Andriamanitra Raintsika sy Jesosy Kristy Tompo.» (Rom 1, 6)

Mpitarika: Voninahitra ho an'Andriamanitra, Ray sy Zanaka ary Fanahy Masina, Izay hatramin'ny taloha indrindra ka ho mandrakizay.

Mandehana amin'ny fiadanan'ny Tompo. Amena.